



## **Universitätsbibliothek Paderborn**

### **Theologia Moralis, Seu Resolutio Casuum Conscientiæ**

Juxta Sacram Scripturam, Canones, Et Sanctos Patres

Continens Tractatus de Sacramentis in genere; de Baptismo, de Confirmatione, Eucharistia, Sacrificio Missæ; Constitutionem Innocentii XII. super celebratione Missarum, variaque alia decreta

**Genet, François**

**Parisiis, 1703**

Q. 6. Quæ est dignitas Sacramenti Eucharistiæ?

**urn:nbn:de:hbz:466:1-40834**

*De Sacramento Euchar. Cap. I. 129*

Eucharistiae Sacramentum, consistit in re permanente.

Quod probatur primò ex Scriptura sacra, in qua constat, Christum Dominum hæc verba protulisse : *Hoc est Corpus meum*, priusquam distribueret Eucharistiam Apostolis; ex quo perspicuum est, Corpus Christi Domini fuisse sub speciebus Panis, ac proinde verum Sacramentum antequam distribueretur.

Secundò probatur sanctis Patribus : Juxta sanctum Augustinum in Psalmum 33. *Christus seipsum portavit in manibus suis dum Eucharistiam portaret*: At evidens est, non potuisse seipsum portare in manibus suis, nisi ejus Corpus fuisse sub speciebus Panis, priusquam manducaretur: hoc igitur Sacramentum non consistit in mandatione.

Et sanctus Justinus in Apologia secunda, ait, *Poſt Sacra menta peracta, Eucharistia consuevit deferri ad absentes*.

Quæſt. 5. Quænam est hæc res permanens in qua consistit Eucharistiae Sacramentum?

Reſp. Sacramentum Eucharistiae consistit essentialiter in speciebus Panis & Vini, & in Corpore, & Sanguine Iesu-Christi contentis sub his speciebus, ut patet ex Canone ubi legitur; *Sacrificium Ecclesiae duobus conficitur*, Can. *Hoc est.* duobus conſtat: *visibili elementorum specie, &* De Conſecr. *invisi bili Domini nostri Iesu-Christi carne & sanguine*. dist. 2.

Quæſt. 6. Quænam est dignitas Sacramenti Eucharistiae?

Reſp. Dignitas hujus Sacramenti rectè explicatur ab Alexandro Papa III. relate in Canone, ubi ait: *Nihil in sacrificiis maius esse potest, quan Corpus & sanguis Christi, nec ulla oblatio hac potius est. Sed hac omnes præcellit, qua pura conscientia Domino offerenda*

130 T R A C T A T U S I V.

est, & purā mente sumenda, atque ab omnibus veneranda: & sicut potior est ceteris, ita potius excoli & venerari debet.

Quæst. 7. Unde sumenda est unitas aut multiplicitas Sacramenti Eucharistiæ?

Resp. Cum Eucharistiæ Sacramentum institutum sit ad spiritualem animæ refectionem, sequitur unitatem, aut multiplicitatem hujus Sacramenti, sumendam esse ex habitudine, aut conjunctione morali, quām habent species consecrationis ad unam, aut plures refectiones spirituales: quare cūm simul præbetur una, vel plures Hostiæ consecratæ, censentur moraliter loquendo unam tantum efficere refectionem spiritualem, ideoque unum tantum est Sacramentum: sed si dantur pluribus distinctis refectionibus, ut cūm præbentur plures Hostiæ consecratæ, pluribus personis, aut eidem diversis temporibus, tunc sunt plura Sacraenta numero distincta, cūm sint plures refectiones spirituales.

---

C A P U T I I.

*Dé Materia remota Sacramenti  
Eucharistiæ.*

Quæst. 1. Q U O T U P L E X e s t materia Sacramenti Eucharistiæ?

Resp. Duplex materia, duplexque forma Sacramenti Eucharistiæ distingui potest, materia scilicet & forma remota, quæ necessariò requiruntur ad confectionem hujus Sacramenti, & materia & forma proxima quæ sunt partes componentes hoc Sacramentum.

Quæst. 2. Quænam est materia remota hujus Sacramenti?